

*La puntura intranasale
di
Santo Capizzi*

Un addetto alle pulizie sta spazzando il pavimento. Da fuori si sente urlare un uomo che immediatamente dopo entra in scena.

ALL: *(con tono della voce alto e concitato)* unni è? Unni è ddu scarparu?

PUL: *(con tono calmo e distaccato)* fermu docu unni è, su non voli ca ci spezzi i jammitti ausi grissini! Non trasissi ca finì ora ora di spazzari.

ALL: ma chi mi cunta a mia! Unni è u veterinariu?

PUL: oggi u dutturi non ricevi, oggi è il suo giorno di riposo!

L'allevatore entra in scena.

ALL: e sparti si arriposa macari. A fattu chiù dannu da bumma atomica e havi macari a facci di arripusarisi u malanovu!

PUL: c'è scrittu macari 'ndo cartelloni allippatu 'nda porta. Chi è non sapi leggiri?

ALL: ca certu ca sacciu leggiri, sulu ca haiu a vista annebbiata de nervi.

PUL: pirchè chi ci succidivu?

ALL: chi mi succidivu? A ora ci u cuntù. Ju sugnu un allevatori, no?

PUL: a mia mu cunta? Su no sapi lei!

ALL: ma chi capivu era una domanda affermativistica. Ju sugnu un allevatori, oh! Quantu 'na simana fa, trasu 'na me stalla e comu ogni matina mi fazzu u giru pi daricci u bongiornu e vacchi. Ciao Teresina, buongiorno Stelluccia, comu va Adolfo, è u toru.

PUL: Adolfo? Senta, ju possu capiri i nomi de mucchu, ma di unni ci niscuvu Adolfo po toru?

ALL: mi sono ispirato a ddu crastuni do me vicinu di fattoria.

PUL: ah, capisco.

ALL: comunque, appena arrivu o boxer di Carmiledda, a vidu stinnicchiata 'n terra tutta trimolante, l'occhi socchiusi, u nasu ca ci culava; non aveva jarmu pi nenti. Ju priccupatu, vaiu pi tuccaricci a frunti, a fighia era accussì cauda, ma accussì cauda, ca su a mungevu a ddu minutu, non nisceva latti...

PUL: a no?

ALL: ricotta, ci nisceva direttamenti ricotta! Insomma va, ju pighiu u telefonicu extracellulare, ci chiamu o dutturi e ci cuntutu tutta a nuvena. Ouh fu un'avventura!

PUL: e pìrchì?

ALL: ca pìrchì cu u sapi unni era sduvacatu e ampurtusatu u dutturi , 'stu telefonicu non non era telefonicu ca vuleva appigliari bonu. Perciò, siccome ca non mi capeva, ci l'appi a spiegari qualche tri voti chiddu ca succidivu. Alla fine però, u capivu di chistavu parrannu.

PUL: e iddu chi ci dissi di fari?

ALL: iddu mi dissi ca in quel momento non poteva lassari pìrchì dici ca s'hava lavatu friscu pi fari una operazioni, però mi dissi di preparari 'na puntura di tricchistalan e faraccilla intra.

PUL: intra chì?

ALL: (*indeciso*) ca intra... chì sacciu? Ci u dissi ora ora ca non si capeva bonu zoccu diceva u dutturi. Alla fine, doppu ca mu ripetivu 'na decina di voti u capì! Sono iuto a preparari a gnizioni, turnai 'nda vacca e ci dissi: ve ni ccà bedda ca ora a tia t'abbessu ju! Pighiai e ci fici 'sta gnizioni.

PUL: e tuttu s'abbissavu!

ALL: ma quali? Quali s'abbissavu! Si spascianu tuttu i cosi.

PUL: comu?

ALL: a matina seguenti, trasu 'nda stadda e pi prima cosa vaiu 'ndi Carmiledda. Ju mi dissi: cu dda bella puntura ca ci fici, ora a trovu ca pari un ariddu! Ma quali! Trasu 'ndo boxer e vidu a vacca cu un nasu e 'na funcia tanta (*indica un dimensione enorme*) ca pareva 'na velina da televisioni. Auh erunu tantu unchi ca mi passi ca stavunu scuppiannu!

PUL: nonostante a puntura?

ALL: nonostante! Fu propriu curpa da puntura!

PUL: ma non cridu ca sbagiavu a faraccilla!

ALL: si sbaghiai, ca era a prima vota ca facevu gnizioni. Sugnu sicurissimu di chiddu ca fici. Ju stuppai a fiala, a sucai ca ziringa, abbiati spiritu a tinchitè supra a vacca pi sdisinfettalla di tutti germogli, e turutuppate con un movimento ca parevu un primate do prontu soccorsu, ci fici 'na bella puntura (*scandire*) intra nasale!

PUL: ma comu, intranasale? Ju mai l'haiu 'ntisu! Non è ca pi casu hava a essiri 'na puntura intra muscolari?

ALL: (*dubbioso*) intra...muscolari! (*Poi sicuro di se*) no ma chi va dicennu! E appoi dicu ju, chi n'a capiri lei ca è puliziere?

PUL: ma è propriu sicuru?

ALL: ca certu, iddu, u dutturi mi dissi di farla!

PUL: ma dici ca u telefonu non si sinteva bonu!

ALL: chistu è veru. Ma siccome ju sugnu troppu intelligenti, fra me e me pinsai: ju ci dissi tutta a sintomatistica, a frevi ca di chi munnu è munnu si misura 'nda frunti, l'occhi a pamminedda ca sunu 'nda facci, u nasu ca ci culava, iddu mi dissi di faricci a puntura intra. Ora pi logica, intra a frunti non ci a putevu fari pirchè c'è l'ossu e l'agu si stocca, intra l'occhi pinsai ca non puteva essiri mai e poi mai, l'unicu postu ca arristava era u nasu. Dui chiù di fa setti, mi sduvacai cu tuttu u sceccu e ci fici 'na bella igniezioni intra nasali.

PUL: e comu sta ora Carmiledda?

ALL: (*quasi piangendo*) se ni ivu!

PUL: bih puvuredda ,chi fici mossi?

ALL: ma quali mossi e mossi! Su rivodda Adolfo, u toru?

PUL: certu, chiddu ca assumighia o so vicinu.

ALL: bravu. S'atruvavu a passari davanti o boxer di Carmiledda, e appena a visti cu dda gran funcia, impazzivu. E in effetti pinsannuci bonu, a mucca hava addivintatu chiù sexi.

PUL: e allura?

ALL: ouh, di diu non si ni fujenu!

PUL: e ora chi vinnu p'addumannaricci i danni o dutturi?

PUL: no. (*Tono crescente con enfasi da battuta finale*) Veramenti vinni pi spiaricci su ci putevu fari 'na bella gnizioni intra nasali macari a me mugheri!

FINE

Personaggi

ALL: allevatore, proprietario della mucca febbricitante.

PUL: uomo delle pulizie.

Note

ALL: atteggiamento marcatamente bucolico.

PUL: carattere esasperatamente flemmatico.

Questa storia è semplicemente frutto della fantasia, pertanto ogni riferimento a persone, fatti e luoghi è del tutto casuale.

Santo Capizzi
347 80 60 577
santocapizzi1@alice.it